

Obilježavanje 75. godišnjice Bitke za ranjenike na Neretvi

Autor Administrator
Saturday, 14 April 2018
Zadnja Promjena Saturday, 14 April 2018

Udruženje antifašista i boraca NOR-a Jablanica obavijestava građane BiH kao i sa prostora bivše Jugoslavije da će se 5.5.2018. godine obilježiti 75. godišnjica Bitke za ranjenike na Neretvi. Ovo je prilika da se prisjetimo tih historijskih trenutaka i da odamo počast onima koji za slobodu dali svoje živote u najhumanijoj bitci, Bitci za ranjenike na Neretvi.

Ovom prilikom pozivamo sve zainteresovane da dođu u Jablanicu i da se zajedno prisjetimo na herojske podvige partizanskih jedinica u 4. neprijateljskoj ofanzivi. Očekujemo veliki broj delegacija sa prostora BiH i sa prostora bivše Jugoslavije. Za ovu priliku organizatori su pripremili bogat kulturno-zabavni program. Obilježavanje tradicionalno počinje spustanjem 75 karanfila u Neretvu, zatim u 12:00 sati polaganje cvijeća i odavanje počasti svima koji dali živote u 4. neprijateljskoj ofanzivi. Poslije polaganja cvijeća slijedi Svečana akademija u povodu jubileja 75. godišnjice i obraćanje zvaničnika uz bogat kulturno-zabavni program. Prema protokolu manifestacije skupu će se obratiti pored domaćina, predstavnici antifašisti iz BiH i susjednih republika bivše Jugoslavije. Ove godine očekujemo više hiljada posjetilaca koji će prisustvovati obilježavanju 75. jubileja. Kao i prethodnih godina organizator Obilježavanja godišnjice Bitke na Neretvi su:

-Sabnor BiH

-Udruženje antifašista i boraca NOR-a Jablanica

-Društvo "Josip Broz Tito" Jablanica

-Muzej "Bitka za ranjenike na Neretvi" Jablanica,

a uz pokroviteljstvo Opštine Jablanica i Federalnog ministarstva za pitanje boraca i invalida odbrambeno-oslobodilačkog rata #JosipBrozTito #Jugoslavija #Yugoslavia #SFRJ #antifašizam #antifascism